



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CLXIII. Kurfürst Johann bestätigt einen von Werner von der Schulenburg  
mir Claus Wollin geschlossenen Abtretungs-Vertrag über Besitzungen in  
Klockow und Kleptow und bewilligt ersterem den ...

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CLXIII. Kurfürst Johann bestätigt einen von Werner von der Schulenburg mit Claus Wollin geschlossenen Abtretungs-Vertrag über Besitzungen in Klockow und Kleptow und bewilligt ersterem den ausschließlichen Gerichtsstand vor dem Kurfürsten, am 28. April 1488.

Wir Johannis etc., Curfurst etc., Bekennen etc., Als wir vnnserm Rate vnnnd lieben getrewenn Wernern vonn der Schulenburg czur locknitz Inn vergangen Jarn Im dorff Clocow achthalf hufenn vnnnd newnczehenn Cossetten land, der itlichs Newnczehenn schilling vincken- augen czynnset, vnnnd Im dorff Cleptow virdhalb hufen, die vnnser lieber getrewer Claws Wollin vonn vnns zu lehen gehabt, zu rechtem angefell, wie angefells recht, nach laut des briues daruber vtzganngen, gelyhenn vnnnd der gnannt Werner Inndes sich mit dem selbenn Claufzen Wollin darumb vertragenn vnd soliche gutter Inhalt, eins schriftlichen vertrages daruber vtzganngen czu sich erblich gebracht hat, Das wir solichen vertrag, wie der zwischenn Inen gescheenn, becrefftigt vnnnd bestettigt habenn, Becrefftigenn vnd bestettigenn solichenn vertracht In Craft vnnnd macht dises briues etc. — Wir haben auch dem obgedachtenn Wernern vonn der Schulenburg, vnnserm Rate, vnnnd seinen leybs erbenn die sundern gunst vnnnd gnad getan vnnnd erzeigt, das sie In keinem anndern werntlichen gericht Inn vnnsern lannnen, bericht oder zu gericht gefordert vnnnd gezogen sollen werdenn, wenn allein fur vnns oder vnnsern Reten, da einem yderman von Inen gungelichs rechtens verholffenn soll werdenn, an geuerde etc. Datum Soltwedell, am montag nach Jubilate, Anno etc. Im LXXXVIII ten.

Nach dem Churm. Lehnscopialbuche XXVII, 9.

CLXIV. Kurfürst Johann verleiht an Henning von Arnim die im Dorfe Güstow ihm heimgefallenen Lehne, am 9. Mai 1488.

Wir Johannis — Curfurst etc., Bekennen etc., Als nach abgannng vnnfers burgers zu Premeczlow, petter Angermundts, Eelichen hawffrowen, etwen Claus kochs tochter, etlich gutter Im dorff zu Gustow an vnns, als den lannndsfursten, So wir bericht werdenn, gefallenn sein, das wir vnnserm Rate vnnnd lieben getrewenn henning vonn Arnym dem Jungern vmb seiner getrewenn willigen dinst willen, so er vnns vnd vnnser herrschafft oftmals getan vnnnd hinfur wol thun soll vnd will. Darumb vnnnd auch von sunderlicher gunst vnd gnad wegenn vnser gerechtigkeit, so vnns vonn solichen guttern angekommen ist, vbergeben habenn, vbergebenn Im solich vnnser gerechtigkeit Inn craft dits briues, doch das er vnnnd sein mennlich leybs lehenns erbenn solich gutter, so er die erlanngt, vonn vnns vnnnd vnnser herrschafft zu lehenn haben, nemenn vnnnd empfahenn soll, vnns auch dar vonn thun vnnnd dynen, als mannehenns recht vnnnd gewonbeyt ist etc. Datum am freytag nach dem Sontage Cantate, Anno etc. LXXXVIII ten.

Nach dem Churmärk. Lehnscopialbuche XXVII, 244.